



那
齋
藏

書





蔡氏月
令章白

費念慈



蔡氏月令章句敘

余讀後漢書蔡邕傳而歎中郎生不逢時有匡濟之略
不見用有簞述之才不能成且脅於權奸死於牢獄後
世不諒其志復加以黨惡之名未嘗不爲之大息痛恨
悲感交集也中郎母病不解帶者三年不寢寐者七旬
卒廬冢馴兔擾室木生連理非至孝之徵乎密詔稽
問直對無隱首揭妖祥災變之原厯指貪濁佞邪之輩
明知言出禍隨而冒死不避非致身之忠乎去聖久遠
經籍多譌俗儒穿鑿疑誤後進奏求正定六經而手自
書碑命工鐫刻俾後生晚學咸知取正則有功聖經也
史才之難莫難於志師資胡廣得其舊事起自布衣厯

於患難積累思惟以成十意又作靈帝紀及補傳四十
二篇則有功漢史也詎以姦仇讒譖始議大不敬棄市
後與家屬髡鉗徙朔方明年宥還又以閹黨銜怨亡命
江海遯跡吳會困阨至矣董卓一旦入朝辟書先下分
明枉結信宿三遷匡導旣申狂僭屢革六語本史論卓雖權
奸而上有獻帝猶漢相也可不謂知己之遇乎且史言
董卓聞邕名高辟之稱疾不就卓大怒詈曰我力能族
人又切敕州郡舉邕詣府是其迫脅之以不得不進也
旣如彼又言卓多自很用邕恨其言少從謂從弟谷曰
董卓性剛而遂非終難濟也吾欲遯逃山東以待之何
如谷曰君狀異恆人每行觀者盈集以此自匿不亦難

乎邕乃止是其旣進而不能退也又如此驟聞卓誅動
色而歎意氣之感孰能忘情設無此一歎其事君必不
能忠其事親必不能孝乃遽執此指爲同逆不亦冤乎
且同時盧鄭大賢咸與中郎交好史云邕死縉紳諸儒
莫不流涕北海鄭元聞而歎曰漢世之事誰與正之然
則先師得壹意研經而不治史者以有中郎在也又盧
植傳曰卓將誅植植素善邕邕前徙朔方植獨上書請
之邕時見親於卓故往請植事卓乃止然則卓之不殺
子幹中郎請救之力也語云不知其人視其友而范氏
史贊與馬融並論擬人不倫矣贊云藉梁懷董名撓身
毀顏氏家訓文章篇亦
云馬季長佞媚獲誚史言邕收付廷尉乞黥首刖足續
蔡仲郎同惡受誅

成漢史太尉馬日磾馳謂王允曰伯喈曠世逸才多識
漢事當成後史爲一大典是中郎垂死惓惓漢記寧
嬰金鐵斷支體以成之馬太尉深知力救弗得不能如
司馬子長之下蠶室而成史記也爲千古恨事矣中郎
著月令章句本傳失載集言光和元年徙朔方懼顛蹶
隕墜無以示後遂於憂怖之中成月令說苟使學者以
爲可覽則雖死而不朽然則章句之作在患難中蓋深
慮旦夕不測草木同腐將託是以表見庶幾身毀名立
耳庸敬其人悲其志惜其書之不成其所成者後世復
散亡因采輯羣書所引并錄集中月令問答明堂月令
論二首爲二卷以存中郎梗概焉肅年二十始知治經

卽勑端月令據呂氏春秋以按小戴記塾師鄭清如鄉
先生莊葆琛見而獎異之遂欣然有志於學後錄成此
本十餘年於今矣暇日重勘一過擬付剞劂氏學者讀
其書不可不知其人竊爲論及之時嘉慶己未歲季冬
月書於南海古藥洲之誤詒齋

蔡氏月令章句卷上

武進臧庸述

孟春之月

天之道陰陽各有少大是生四時少陽爲春大陽爲夏少陰爲秋大陰爲冬也

北堂書鈔一百五十三

日在營室

周天三百六十五度四分度之一分爲十二次日月之所躔也地有十二分王侯之所國也每次三十度三十二分之十四日至其初爲節至其中爲中氣自危十度至壁八度謂之豕韋之次立春驚蟄居之衛之分野

續漢志注三晉書十一開元古經六十按漢志舊作每次三十二度三十二分

之十四今從少詹
事錢曉徵所校

昏參中旦尾中

中星當中而不中日行遲也未當中而中日行疾也

續漢志

注三

其日甲乙

大撓探五行之情占斗綱所建於是始作甲乙以名

日謂之幹作于丑以名日謂之枝枝幹相配以成六

旬續漢志注一五行大義卷一引云大撓探五行

之情占斗機所建也始作甲乙以名日謂之幹作

其音角

通於耳者爲聲青作角聲白作商聲黑作羽聲赤作

徵聲黃作宮聲

五行大義三引蔡伯喈云

律中大簇

律率也聲之管也中應也大簇鍾名正月之律與大

簇相應也

按以上十七字據太平御覽十六補正義曰蔡氏以爲大簇鍾名先有其鍾後有其

律言律中此大簇之鍾此約蔡義也上古聖人本陰陽別風聲審清濁

而不可以文載口傳也於是始鑄金作鍾以主十二

月之聲然後以效升降之氣而鍾難分別乃截竹爲

管謂之律律者清濁之率法也聲之清濁以律管長

短爲制

續漢志注一百十二

太平御覽十六北堂書鈔一

以法爲室三重

戶閉塗墍必周密布緹縵室中以木爲案每律各一案內庫外高從其方位加律其上以葭灰實其端其

月氣至則飛灰而管通

正義

孟春月則大簇爲宮姑洗

爲商蕤賓爲角南呂爲徵應鍾爲羽大呂爲變宮夷

則爲變徵

隋書四十九

共數八

東方有木三土五故數八

南齊書十一

東風解凍蟄蟲始振魚上冰獺祭魚鴻雁來

月令問答振作震

法象莫大乎天地變通莫大乎四時懸象著明莫大

乎日月故先建春以奉天奉天然後立帝立帝然後

言佐言佐然後列昆蟲之別物有形可見然後音聲

可聞故陳音有音然後清濁可聽故言鍾律均聲可

以

按下有脫字

故陳酸醴之屬也羣品以著章五行爲用

於人然後宗而祀之故陳五祀此以上者聖人記事
之次也東風以下者效初氣之序也二者既立然後
人君承天時行庶政故言帝者居處之宜衣服之制
布政之節所明欽若昊天然後奉天時也

正義

天子居青陽左个

通眼者爲五色

五行大義三
引蔡伯喈云

服倉玉

佩上有雙衡下有雙璜琚瑀以雜之衝牙纘珠以納
其閒玉藻曰右微角左宮羽進則抑之退則揚之然

後玉璫鳴焉

續漢志注三十
通典六十
三按今玉藻作玉璫鳴也

其器疏以達

疏鑿也

文選注三

是月也以立春

孟春以立春爲節驚蟄爲中中必在其月節不必在其月據孟春之驚蟄在十六日以後立春在正月驚蟄在十五日以前立春在往年十二月

續漢志注三

天子親帥三公九卿諸侯大夫以迎春於東郊

迎春者禮大昊及句芒之神也於東郊就其位也邑外爲郊去邑八里因木數也周禮建國之神位兆五帝於四郊以蒼珪禮東方以赤章禮南方以白虎禮西方以元黃禮北方皆有牲幣各放其方之色樂奏大蔟歌青陽寘執干戚舞雲翹育命所以尊牧時和

也

續漢志注八

太平御覽五百二十八

按正義

曰賈馬蔡邕皆為迎春祭大皞及句芒以上云其句芒故也

命相布德和令

立春之日下寬大書曰制詔三公方春東作敬始慎

微動作從之罪非殊死且勿案驗皆須麥秋退貪殘

進柔良下當用者如故事

續漢書禮儀志上

秋冬肅急之後

故布生德和政令去肅急

文選注四十六

卽此詔之謂也

續漢

志注四

乃命大史守典奉法

帝舜叶時月正日湯武革命治厯明時言承平者叶

之承亂者革之

續漢志注三

司天日月星辰之行

天者純陽積剛轉運無窮其體渾而包地地上有一百八十二度八分之五地下亦如之其上中北偏出地三十六度謂之北極星是也史官以玉衡長八寸孔徑一寸從下端望之此星常見於孔端無有移動是以知其爲天中也其下中南偏入地亦三十六度謂之南極從上端望之當孔下端是也此兩中者天之輻軸所在轉運所由也天左旋出地上而西入地下而東其繞北極徑七十二度常見不伏官圖內赤小規是也繞南極七十二度常伏不見圖外赤大規是也據天地之中而察東西則天半見半不見圖中

赤規截婁角者是也開元占經一又二北堂書鈔
剛運轉無窮其體運行包地之外天左旋出地上
而西入地下而東其緯北極七十度常見不伏
宿離不貸

宿日所在離月所歷困學紀聞五按開元占經十三引云離者月所歷也
母失經紀以初為常

紀還復故歷 七十六歲為部首 十九歲七閏月
為一章續漢志注三

是月也天子乃以元日祈穀于上帝乃擇元辰天子親
載耒耜措之于參保介之御閒

日幹也辰支也有事於天用日有事於地用辰南齊書九

按正義曰盧植蔡邕並云郊天是陽故用日耕藉是陰故用辰元者善也郊雖用日亦有辰但日為主